


2-70

津田文庫
文庫 1
1521
15



龍威秘書二集

第八冊目錄

雲仙雜記

唐馮贇

龍威秘書二集八冊目

010190607408



欽定四庫全書簡明目錄

文庫

舊本題唐馮贛撰或以為王銍所偽作也皆雜記古
人逸事各注其所出之書而其書皆古來史志所不
載依託顯然然工於造語詞賦家轉相引用知其廣
而不能廢焉

直說

孫登琴

孫登琴遇雨心有響如刃物聲竟因陰雨破作數截有黑蛟踊去金嶽變化篇

碁聲與律呂相應

元頤本棋枰聲與律呂相應蓋用響玉為盤非有異術也棋天海覽

紅白二墨

楚王靈囀使人造紅白二墨為戲及書寫衣服黑衣

用白書白衣用紅書白成一家

大唐龍髓記

龍耳李

崔奉國家一種李肉厚而無核識者曰天罰乖龍必割其耳耳血墮地故生此李琴莊美事

瑠黃椀

元載飲食冷物用瑠黃椀熱物用泛水羹器器有三千事出樞要錄

無塵子

方鎔隱天門山以樓欄葉拂書號曰無塵子月以酒

脯祭之

出高士春秋

惜春御史

穆宗每宮中花開則以重頂帳蒙蔽欄檻置惜春御

史掌之號曰括香

王虛集

黑松使者

元宗御案墨曰龍香劑一日見墨上有小道士如蠅而行上叱之即呼萬歲曰臣即墨之精黑松使者也凡世人有文者其墨上皆有龍賓十二上神之乃以墨分賜掌文官

出陶家餅餘事

柳神九烈君

李固言未第前行古柳下聞有彈指聲固言問之應曰吾柳神九烈君已用柳汁染子衣矣科第無疑果得藍袍當以棗饒祠我固言許之未幾狀元及第

出集

六鼻鏡生雲烟

黃巢陷京城南唐王氏有鏡六鼻常生雲烟照之則左右前三方事皆見王氏向京城照之巢寇兵甲如在目前上平都邑以映日紗囊取入禁中

出纂異記

文星典吏

杜子美十餘歲夢人令采文于康水。覺而問人。此水在二十里。乃往求之。見鵝冠童子告曰。汝本文星典吏。天使汝下謫為唐世文章。海九雲。詰已降可於豆。壠下取甫。依其言。果得一石。金字曰。詩王本在陳芳。國九夜捫之。麟篆熟聲。振扶桑。享天福。後因佩入葱。市歸而飛火滿室。有聲曰。邂逅稜。吾令汝友而不貴。

出文

玄山印記

陳茂為尚書郎。每書信印記曰。玄山典記。又曰。玄山印。擣朱礬。澆麝酒。閑則匣以鎮。犀養以透雲。香印書。達數十里。香不斷。印刻胭脂木為之。出玄山記

水玉數珠

房次律弟子金圖。十二歲時。次律徵問葛洪仙錄中事。以水玉數珠手節之。凡兩遍。近二百事。琅琅誦之。不止。次律賞以轉枝梨。童子通神集

為梨花洗粧

洛陽梨花時。人多攜酒。其下曰。為梨花洗粧。或至買。

樹唐餘錄

雪化雜言

籠桶衫柿油巾

杜甫在蜀日以七金買黃兒米半籃細子魚一串籠桶衫柿油巾皆蜀人奉養之粗者出浣花旅地志

石斧銘

玄針子得石斧銘曰天雷火速文步敲石桂子如其言詩如蒸雲千步千首清異志

棠木印

張寶凡衣服絲帛皆以所任官印之白黃物以墨紅

黑物以粉常曰此印賢於掌庫奴遠矣文字亦然人收寶文以有棠木印者為真張寶就甲錄

鳳窠羣女

姑臧太守張憲使娼妓戴拂壺中錦仙裳密粉淡粧使侍閣下奏書者號傳芳妓酌酒者號龍津女傳食者號仙盤使代書札者號墨娥按香者號麝姬掌詩藁者號雙清子諸倡曰鳳窠羣女又曰團雲隊曳雲仙出姑臧前後記

地仙圓

雲山雜記

五

號州別駕竇泚以當歸為地仙。圓曰使血海增光。以棗木為杵曰號金剛骨。出三堂往事。

涼物

房壽六月召客坐糠竹簟。凭狐文几。編香藤為俎。刻椰子為杯。搗蓮花製碧芳酒。調羊酪造含風。鮮皆涼物也。壽勸吳田以輓轆。瓮田懼其深曰。但見龍門溪水。濯麴藥腸耳。出叩頭錄。

梅粧閣

郭元振落梅粧閣有婢數十人。客至則拖鴛鴦。擷裙。

彩一曲終則賞以糖雞卵。明聲也。宴罷散九和握香。出敘聞錄。

洛陽歲節

洛陽人家正旦造絲雞。葛燕粉荔枝。正月十五日造火蛾兒。食玉梁。餠寒食裝萬花。與煮楊花粥。端午尤羹艾酒。以花絲樓閣。插髻贈遺辟瘟扇。乞巧使蜘蛛結萬字。造明星酒。裝同心膾。重九迎涼脯。羊肝餅。佩瘦木符。冬至煎餈。絲珠戴。一陽巾。除夜銅刀刻門埋。小兒硯點水盆燈。臘日造脂花。餼金門歲節。

梅檀寺春秋二會

梅檀寺悟本詩春秋二會歛牛乳為龍華飯供獻結
絲錢為幡蓋設客以吳興麴團糟授戒者施以般若
錢求男者解密珠瑞出僧園逸錄

搔首問青天

李白登華山落鴈峯曰此山最高呼吸之氣想通大
帝座矣恨不攜謝朓驚人詩來搔首問青天耳搔首集

清高門戶

樂天語人曰吾已脫去利名枷鎖開清高門戶但避

龕子母丹不知何時可成自慶傳

午橋莊

裴令臨終告門人曰吾死無所繫但午橋莊松雪嶺
未成軟碧池繡尾魚未長漢書未終篇為可恨爾晉書

公遺語

養硯墨筆紙

養筆以礪黃酒舒其毫養紙以芙蓉粉借其色養硯
以文綾蓋貴乎隔塵養墨以豹皮囊貴乎遠濕逢溪
子遵之文房寶飾

迷香洞

史鳳宣城妓也待客以等差甚異者有迷香洞神雜枕鎖蓮燈次則交紅被傳香枕八分羊下列不相見以閉門美待之使人致語曰請公夢中來馮垂客于鳳啓囊有錢二十萬盡納得至迷香洞題九迷詩於照春屏而歸常新錄

金鳳凰

周光祿諸妓掠髻用鬱金油傅面用龍消粉染衣以沈香水月終人賞金鳳凰一隻傳芳畧記

三賢松

朝真觀九星院有三賢松三株如古君子梁閣老妓英奴以麗水囊貯香遊之不數日松皆半枯事畧

芋魁遭遇

李華燒三城絕品炭以龍腦裹芋魁煨之擊爐曰芋魁遭遇矣三賢典故

山神以豐年相報

琴叟耕鳳嶺之田以虎紋巾裹犁推之曰勞吾躬耕山神必以豐年相報已而果然鳳翔退耕傳

縮龍臺

李神遇以楓溪鐵造縮龍臺為宴燈花燈八層間以
三絳綿標點紫菱油燃鳳樓疑尚缺文出招撫精華

吳興米

吳興米炊之餅香白馬豆食之齒醉號國夫人廚吏
鄧連以此米擣為透花餅以豆洗皮作靈沙臙以供
翠鴛堂品物類聚記

掃露明軒

王施避巢寇入天台山主人賀理給以牛乳練膏施

謝曰公乃命司廷我光景當為掃露明軒永為下吏
出芳賢傳

吞雲夢澤

張曲江語人曰學者常想胸次吞雲夢澤筆頭湧若
耶溪量既并包文亦浩瀚徵文玉井

白水聲過吾師丈人

淵明嘗聞田水聲倚杖久聽歎曰禾稻已秀翠色染
人時剖胸襟一洗荆棘此水過吾師丈人矣淵明別傳

龍鬚友

鄒說射策第一再拜其筆曰龍鬚友使我至此後有
貴人遺金龜并拔藥石簪咸與弟子曰可市筆三百
管退而藏之貯以文錦一千年後猶當令子孫以名
香禮之。龍鬚志

隱士衫

成芳隱麥林山剝苧織布為短襦寬袖之衣着以酷
酒自稱隱士衫。梁福廬陵記

俗耳鍼砭詩腸鼓吹

戴顓春攜雙柑斗酒人問何之曰往聽黃鸝聲此俗
耳鍼砭詩腸鼓吹汝知之乎。高隱外書

半月履

趙廷芝安成人作半月履裁千紋布為之托以精銀
纈以絳蠟唐輔明過之奪取以貯酒已乃自飲廷芝
問之答曰公器皿太微此履有滄海之積耳。妙豐居士安成記

菱角巾

王鄰隱西山頂菱角巾又嘗就人買菱脫頂巾貯之
嘗未遇而歎曰此巾名實相副矣。董慎續豫章記

大鯉五色

孫願夜行橫塘見池中。大魚映月吸水。移時不去。池外數步有一小坎。正函北斗。有蝦蟇數十。共來飲。啜願異之。明日汰池中。惟有一大鯉。身已五色。復來坎所訪。求蝦蟇。得三足者數十。馮玉雲金溪記

屋龍更衣

饒子卿隱虛口。康王谷無瓦屋。代以茅茨。每年一易。茅謂之茅龍更衣。或時雨濕。致漏。則以油幄承梁。坐於其下。初不愁歎。十三賢共注廬山記

掌有臥蛇文

傅咸掌有臥蛇文。指甲上隱起花草如雕刻。是以文章過人。道遙公南康記

栗木為關

凡門以栗木為關者。夜可以遠盜。從容錄

九華半臂

關文衍為散騎常侍。畫九華山圖於白綾半臂。號九華半臂。自云。令吾此身常在雲泉之內。時逢青陽記
遷官面長額光氣

郭汾陽每遷官則面長一寸。額有光氣事已乃復隴書

壺中景

石崇砌上就苔蘚刻成百花飾以金玉曰壺中之景。不過如是。耕桑偶記

辨琴秦楚聲

李龜年至岐王宅聞琴聲曰此秦聲良久又曰此楚聲。主人入問之則前彈者龐西沈妍也。後彈者揚州薛滿二妓。大服乃贈之破紅綃蟾酥。龜年自負強

取妍秦音琵琶捍撥而去。辨音集

臨光宴

正月十五夜元宗於常春殿張臨光宴。白鷺轉花黃龍吐水。金鳧銀燕浮光洞。攢星閣皆燈也。奏月分光曲。又撒闔江錦荔枝千萬顆。令官人爭拾。多者賞以紅圈。幘綠暈衫。影燈記

水松脾

李白遊慈恩寺。寺僧用水松脾。刷以吳膠粉。捧乞新詩。白為題。訖僧獻玄沙鉢。綠英梅檀香筆。格蘭縑袴。

紫瓊霜。海墨微言。

泛春渠

汝陽王璵取雲夢石甃泛春渠以蓄酒作金銀龜魚浮沉其中為酌酒具自稱醜王兼麴部尚書

百花獅子

曲江貴家遊賞則剪百花裝成獅子相送遺獅子有小連環欲送則以蜀錦流酥牽之唱曰春光且莫去留與醉人看曲江春宴錄

桃花紙

楊炎在中書後閣糊窓用桃化我塗以水油取其明甚鳳池編

酒器九品

李適之有酒器九品蓬萊盞海川螺舞仙瓠子卮幔捲荷金蕉葉玉蟾兒醉劉伶東溟樣蓬萊盞上有山象二島注酒以山沒為限舞仙盞有關捩酒滿則仙人出舞瑞香毬子落盞外逢原記

暖香滿室如春

寶雲溪有僧舍盛冬若客至則燃薪火暖香一灶滿

雲仙雜言
室如春人歸更取餘燼

雲林異景志

啼猿生蕨

猿啼之地蕨乃多有每一聲遽生萬莖

窮幽記

買春錢

進士不第者親知供酒肉費號買春錢

承平舊纂

苦吟

孟浩然眉毫盡落裴祐袖手衣袖至穿王維至走入
醋甕皆苦吟者也 詩源指訣

蛻龍牙

取蛻龍牙一枚手握之臨局自然機變橫出手手參

碎金面碁盤

蘇尚書八十猶參禪大滄訪之以手拍碎金面碁盤

尚書尋有悟解

舊相禪學錄

琴價與武庫爭先

嵇康抱琴訪山濤濤醉欲剖琴曰吾賣東陽舊業以
得琴乞尚書令河輪珮玉截為徽貨所衣玉簾中單
買縮絲為囊論其價與武庫爭先汝欲剖之吾從死
矣 金徽變化篇

圍棋奪造化

王勃圍棋率下四子成一首詩勃猶詫之向人曰吾
自奪造化雖一時之間百用亦可棊天洞覽

墨紋如履皮

墨紋如履皮磨之有油暈者一兩可染三萬筆成老伯墨

換茶醒酒

樂天方人關齊禹錫正病酒禹錫乃餽菊苗蘼盧煎
解換取樂天六班茶二囊以醒酒蠻甌志

湯胃文章映日

元稹為翰林承旨朝退行鐘廊時初日映九英梅隙
光射稹有氣勃勃然百僚望之豈腸胃文章映日可
見乎常朝錄

天峯煤與綾文刺孰勝

盧杞與馮盛相遇於道各攜一囊杞發盛囊有墨一
枚杞大笑盛正色曰天峯煤和針魚腦八金溪子手
中錄離騷古本比公日提綾文刺三百為名利奴顧
當孰勝已而搜杞囊果是三百刺大唐龍隨記

粥飼鳩

蘭先生坐琴莊食蘭香粥。有鳩至堦上。先生以匙擲飼之。漸進至肩。遂盡此粥。後曰：鳩以千百至。先生飼之。琴莊美事。

花簪壓損帽簷

梁緒梨花時折花簪之壓損帽簷。至頭不能舉。祥雲志

翡翠指環

何充妓於後閣以翡翠指環換刺繡筆。充知嘆曰：此物洞仙與吾欲保長年之好。乃命蒼頭急以蜻蜓帽。

贖之。粧樓記

赤將軍

哥舒翰有馬曰赤將軍。翰愛之甚常。以朝章加其背。曰：過吾北林兒遠矣。此駿馬也。馬癖記

地脂

高展為并門判官。一日見砌間沫出。以手撮之。試塗一老吏面上。皺皮頓改如少年色。展以謂必神藥。問承天道士。答曰：此名地脂。食之不死。展乃發癡。已無所觀。方鎮編年

胡麻啖犬

以胡麻。炒。啖。犬。則。光。照。而。駿。使。獵。必。大。獲。狐。兔。又。可。得。三十歲。好事集

得意田

雲陽改氏。值豐年。則盡取金錢埋之。九里皆滿。自有得意田。遂可棄無用。豐年錄

過門錢

龍山康甫。慷慨不羈。每日置酒於門。邀留賓客。不住者。贈過門錢。日費酒者。鶴嘴餅二十。放家集

虞永興書

有人收得虞永興與圓機書。一紙剪開。字字喜。之。蔡卿一字得麻。一斗鶴口一字得銅。視一枚。房村一字得芋。千頭。隨人好之。淺深。字錦

一醉六日

張麟一醉六日。嚙柱幾半。醉錄

起宅刷以醇酒

蓮花巷王珊起宅。其門刷以醇酒。更散香末。蓋禮神之至。宣武盛事

題梁字

范溥題廳事梁每字以木花蓮承之歲旦一開次日復上之 河中記

郇公厨

韋陟厨中飲食之香鋪雜人入其中多飽飫而歸語曰人欲不飯筋骨舒黃緣須入郇公厨

厨上以朮湯盥手

陳寔盛其居止厨上以朮湯盥手槐板覆蔽糞穴為都城第一 洛陽要記

書北山移文

樂天女金鑿十歲忽書北山移文示家人樂天方買終南紫石欲開文士傳遂輟以勸之 豐寧傳

爭春館

揚州太守園中有杏花數十畷每至爛開張大宴一林令一倡倚其傍立館曰爭春開元中宴罷夜闌人或云花有歎聲 揚州事迹

薛家士風

成都薛氏家士風甚美厨司以半瓠為杓子孫就食

蝦羹肉臠一取之飯再取之蜀普錄

食蒲桃

楊炎食蒲桃曰汝若不澁當以太原尹相授河東備錄

梅聘海棠棖子臣櫻桃

黎舉常云欲令梅聘海棠棖子臣櫻桃及以芥嫁筭但恨時不同耳然牡丹醪醱楊梅枇杷幸為執友金城記

檜生藥圓

幽燕苗先驛後有五樹檜忽生藥圓試摘服之往往

療疾有驗幽燕記異

過廳羊

熊翻每會客至酒半塔前炭殺羊令眾客自割隨所好者紙綿繫之記號畢烝之各自認取以剛竹刀切食一時盛行號過廳羊青州集記

軟漆纏桑枝為籬障

杜勝宅以軟漆纏桑枝編為籬障兩一過黑光照四面時通甫愛之欲以銅官第取不應鄴郡各錄

嚼雞舌香

飲酒者嚼雞舌香則暈廣浸半天回則不醉酒中玄

能詩

能詩之士兩泡滅則得意香烟斷而成吟白氏金鎖

朱書禹字渡江河

渡江河者朱書禹字佩之免風濤保安吉禹功記

盡數天星徧知棋勢

人能盡數天星則徧知棋勢止戈集

雌雄樹

九仙殿銀井有梨一株枝葉交結宮中呼為雌雄樹

金亦金
齊記

作詩如繡花

作詩如繡花女令籠絡枝葉而已無過不及乃善鍾

句
眼

化玉膏

衛玠盟面用化玉膏及芹泥故色愈明潤終不枯槁

錄
臺

貯蘭蕙

王維以黃磁斗貯蘭蕙養以綺石累年彌盛汗漫錄

百齒梳

孫思邈以交加木造百齒梳用之養生要法也樵人直說

科斗筋魚尾匙

向範待客有漆花盤科斗筋魚尾匙樞要錄

唾地成文

有人謁李賀見其久而不言唾地者三俄而成文三篇文筆襟喉

菖蒲當拜此君

王徽之以菖蒲映竹曰菖蒲止以九節為貴而此君

面目聳然正當再拜此君而此君亦安得不受之耶

高士春秋

界尺筆槽

有借界尺筆槽而破其槽者白其主人曰韓直木如

常孤竹君無恙但半面之交忽然折節矣主人大笑

玉塵集

犀如意

虞世南以犀如意爬癢久之歎曰妨吾聲律半工夫餅餘事

萱草浣衣

鄭源令婢萱草浣衣萱草輒云郎君塵土太多令人手皮俱脫三峯集

虎毛紅筭筆

有僦馬生甚貧遇人與虎毛紅筭筆一枚曰所須但呵筆即得之然夫妻之外令一人知則殆矣時方盛行凝烟帳風篁扇皆呵而得之一日晚思鬼頭羹連呵遠得數盤夫妻不能盡以與鄰家自是筆雖存呵之不應纂異記

一詩輒洗其筆

白傅每一詩輒洗其筆文覽

句中喜得魚竹

孟浩然一日周旋竹間喜色可掬又見網師得魚尤甚喜躍友人問之答云吾適得句中有魚竹二物不知竹有幾節魚有幾鱗疑致疎謬今見二物乃釋然矣立山記

洪兒紙

姜澄十歲時父苦無紙澄乃燒糠協竹為之以供父

澄小字洪兒鄉人號洪兒紙童子通神錄

束修年

倪若水藏書甚多列架不足疊牕安置不見天日子弟直日看書借書者先投束修年唐餘錄

惠一絲兩絲

杜甫寓蜀每蠶熟即與兒躬行而乞曰如或相憫惠我一絲兩絲浣花旅地志

蕨成金釵

王鯨逢賣蕨姥黃衣破結有饑色憫之乃以千錢買

蕨姥謝而去及歸蒸于烏頭甑盡成金釵蓋姥非常人也清異志

雞鴨卵殼

張寶嘗使子弟巡市乞雞鴨卵殼雞卵以煮藥鴨卵以金絲纓海棠花各鮫胎蓋醉後畏酒時多用之就

八梭綾

鄴中老母村人織綾必三交五結號八梭綾匹值米陸筐撫拾精華

染花奩

郭代公愛姬薛氏貯食物以散風奩收粧具以染花奩品物類聚記

文享媚香無忝

張說攜麗正文章謁友生時正行宮中媚香號化樓臺友生焚以待說說出文置香上曰吾文享是香無忝徵文玉井

少延清歡

陶淵明得太守送酒多以春秬水雜投之曰少延清

歡數日淵明別傳

筆文章貨

羅隱喜筆工甚鳳語之曰筆文章貨也吾以一物助子取高價即贈鴈頭牋百幅士大夫聞之懷金同價或以絲羅大組換之龍鬚志

降龍道者

戴顓見降龍道者曰生死外人願陳三拜獻護經簾青銅磬芳賢傳

何徵君隱吳郡

何徵君隱吳郡多遊臨華寺九金堂飲鹿塘靈寶院
涵星澗高隱外書

西昌逸士

郎詠隱西昌採樵為業或擔至都中人買之則曰我
西昌逸士酒中人也今獻公所關公當惠我所好

享鹿肉

黃昇曰享鹿肉三斤自晨煮至日影下門西則喜曰
火候足矣如是四十年安成記

獵蠅記室

盧記室多作脯腊夏則委人於十步內扇上塗餵以
撲蠅脯以青紗障隔塵土時人呼為獵蠅記室金溪記

種蔬助鼎俎

宋宇種蔬三十品時雨之後按行園圃曰天苗此徒
助子鼎俎家復何患豫章記

蓄鴨

富楊庭蓄鴨萬隻每飼以米五石遺毛覆渚桂林記

石鼈銜賦題

高郢夜課于豐亭忽見一鼈在案上視之石也郢異

其事取千題散置楮中禱祝令石鼈銜之。以下來事
既而石鼈舉頭乃是沙洲獨鳥賦題出果然其年首
選湘潭記

自負書劍

凌倚隱衡山往來自負書劍削竹為擔裹以烏瓊倚
既死山僧取以供事 衡山記

松精成使者

茅山有野人見一使者異服牽一白羊野人問居何
地曰偃蓋山隨至古松下而沒松形果如偃蓋意使

者乃松樹精羊乃茯苓耳 金陵記

龍窠石

中山僧表堅面多癩痕偶溪中得石如雞子夜覺涼
冷信手磨面癩痕盡滅後讀博異志曰龍窠石磨癩
瘡大効 廬山記

召客念無魚

蘇省郎中召客無魚念曲江多有而禁釣乃令掌吏
用淮幕偷數頭適濟其事 承平舊集

金雞把卵時

封少卿問禪於龍華厚泰師曰金雞抱卵時如何少卿歸而默坐三年不能領解至于發狂而死禪學錄

胡松節支琴

白傳用胡松節支琴金嶽叢化篇

竊嚙碁子

李杓直與人碁而敗乃竊數子嚙之尋問乃鼓局大怒棋天洞覽

墨染紙不昏

墨染紙三年字不昏暗者為上成老相墨經

茶燠縛奴投火

陸鴻漸採越江茶使小奴子看焙奴失睡茶燠燠鴻漸怒以鐵繩縛奴投火中蠻國志

袖餅班中

于琮班中。有時袖餅而食。或以遺同列常朝記

石蓮匣

許芝有妙墨。八厨巢賊亂。瘞于善和里第。事平取之。墨已不見。惟石蓮匣存。大唐龍髓記

鵝蒸

蘭先生上隱亭望九里山七日不能下但食鵝。二

十段 琴莊美事

粉指印青編

徐州張尚書妓女多涉獵人有借其書者往往粉指
痕並印于青編 枚樓記

一里更二馬

校書郎李蟠蓄馬甚多出遊則一里更二馬借借供

應可逮十家 馬癖記

旋風筆

魏博田承嗣簽治文案如流水吏人私相謂曰世罕
有此旋風筆 方鎮編年

贈相得以鳩

毛傳好食鳩人與已相得者必以鳩贈之一見李翱
贈十二藍 好事集

物價至微

開成中物價至微村落買魚肉者俗人買以胡絹半
尺士大夫買以樂天詩一首兼之 豐年編

夜飛蟬

杜甫每朋友至引見妻子韋侍御見而退使其婦送夜飛蟬以助妝飾放懷集

義之鬼

虞世南書冠當時人謂其有義之鬼字錦

竹枝曲

張旭醉後唱竹枝曲反復必至九回乃止醉錄

却老先生

王僧虔晚年惡白髮一日對客左右進銅鑷僧虔曰却老先生至矣庶幾乎南康記

小兒司命

郭汾陽語子弟曰西陽庶寶方小兒之司命不可不讀從容錄

青蠅拜賀

術士相牛僧孺若青蠅拜賀方能及第公疑之及登科訖歸坐家庭有青蠅作八行立約數萬折射再三良久乃去青陽記

葬得石牌

烏重音葬先世掘得石牌有云牛領岡前紅簫隴下

葬用丙日手扳相亞重首依而用之 攏上書

貧而圖婚

白厚貧而圖婚娶劉純材女厚送烏瑄十事。麩紙為書。純材大笑。答以象田珠十升。紫弱干餘頭。及使家僮撒燭花盈路。厚閉門大慚。賓客走去。 耕桑偶記

以海駝皮為鼓

凡鼓以海駝皮為之。泥以象骨。則雄而清。用雜皮則

濁而易去。 辨香集駝疑是鯨字

上元燈影

洛陽人家上元以影燈。多者為上。其相勝之辭。口于影萬影。又各家造芋郎君。食之宜。男女仍云送雞肉。酒用六木餅貯之。於親知門前留地而去。 影燈記

軟棗饊

宣慈寺每求化人先留食軟棗饊。柳尚書來方食饊。袖疏欲出。尚書急解連帶。緋袍鑊子魚袋施之。 海墨微言

竊花

霍定與友生遊曲江。以千金募人竊貴侯亭榭中蘭花。插帽兼自持往。綺羅叢中賣之。士女爭買。拋擲金

錢又各以錐刺藕孔中者罰巨觥不中者得美饌江曲

酒窟

蘇晉作曲室為飲所名酒窟又地上每一博鋪一甌酒計數約五萬枚晉曰率友朋次第飲之取盡而已

醉仙圖記

詩成裁窓紙

段九章詩成無紙就窓裁故紙連綴用之九章字惠文逢原記

白羊妝點芳草

午橋莊小兒坡茂草盈里晉公每使數羣羊散于坡上曰芳草多情賴此妝點也窮幽記

浮萍為鴨作茵褥

浮光多美鴨太原少尹樊干里買百隻置後池載數車浮萍入池使為鴨作褥雲林異景志

自為小君裁剪

李紳為相時俗尚輕綃染蘸碧為婦人衣紳自為小君裁剪鳳池編

貴家棋子

開臣中貴家以紫檀心瑞龍腦為棋子碁譚

弄葫蘆成詩

王筠好弄葫蘆每吟詠則注水於葫傾已復注若擲

之於地則詩成矣詩源指訣

好讀離騷

錢芸士好讀離騷手不暇揭忘去肉味半月如齋姑

記

授花浸酒

楊恂遇花時就花下取藥粘綴于婦人衣上微用蜜蠟兼授花浸酒以快一時之意三堂往事

挑野蔬

郭元申家貧無食春月攜兒挑野蔬一日有餘二日不出叩頭錄

簇酒

辛洞好酒而無資常攜榼登人門每家取一盞投之號為簇酒敘閑錄

祭詩以酒脯

賈島常以歲除取一年所得詩祭以酒脯曰勞吾精

神以是補之金門歲節

礮磨齋

都下寺院每歲用除礮磨是日作礮磨齋僧園逸記

歛衣

伊處士從衆人求尺寸之帛聚而服之名曰歛衣前

凌虛宴

齊文宣帝凌虛宴取香菌以供品味廣唐則出於石

首銅官等處銅釘菌分絲菌首慶傳

桃花醋

唐世風俗貴重葫蘆醬桃花醋照水油晉公遺語

蟣肝龍首

毛重教授於導江春日主人宴之賦散語曰蟣肝之

奉何堪龍首之攀可望主人曰吾勸以陸源鯖賞以

柳綿肝文房寶飾

筆描窻竹影

宗測樂閑靜好松竹嘗見日篩竹影上牕以筆備描

之常新錄

糖蜜莫逆交

陳昉得蜀糖輒以蜜澆之曰與蜜本莫逆交傳芳呂記

風月常新印宮人臂

明皇開元初宮人被進御者日印選以綢繆記印於

臂上文口風月常新印畢漬以桂紅膏則水洗不退

史諱

念金輪咒

敲兩耳鐺服桂心丸念金輪咒則所思之人不以存

沒是夜必夢見之事畧

水晶環渡舟

蕭整嘗登陸渾沙洲忽水漲不得下急呼村童折塵

尾水晶環與之渡舟而過三賢典話

鳴牙餅

許康年謁劉遜贈遜鳴牙餅千枚曰雖微物也助厨

中兩日之費退耕傳

棠棣之好

李初直遇與人相知則曰棠棣之好何以過此喜慶

倍常敘聞錄

金蘭簿

戴宏正每得客友一人則書于編簡焚香告祖考號為金蘭簿。宣武盛事

鳴卵成花

向聲能於鐺中以手撥鳴卵成花。河中記

燭圍

韋涉家宴使每婢執一燭四面行立人呼為燭圍。長安後記

宴客典故

陳無咎宴一客用一婢與斟必十二而後使滿以盡誠敬之道。洛都要記

金牌盈座

河間王夜飲妓女謳歌一曲下一金牌席終金牌盈座。豐盈傳

聚香團

揚州太守仲端畏妻不敢延客謝廷皓謁之坐久甚饑端入內袖聚香團啗之。揚州事迹

笑春紅

閩中參軍黃涉婢曰笑春紅死涉念之淚灑屣簾至
皆損壞蜀普錄

二花

阮文姬插鬢用杏花陶溥公呼曰二花河東備錄

三鹿郡公

袁利見為性頑獷方棠謂袁生已封三鹿郡公蓋譏
其太倉疎也幽燕記

崑崙玉盞

宇文卓方執崑崙玉盞聽左丞檀超高譚不覺墜地

寺州雜記

坐間牡丹花

宋旻語常帶華藻李孺安曰時方三月坐間生無數
牡丹花矣鄴郡各錄

杜鵑喚歸

石誼未娶聞杜鵑喚歸歎曰此物催人使歸使我何
所歸耶金臺錄

遇河神

顧希微開成二年遇河神屈莫多曰更二千年大江

所在隄岸當崩沙九里 禹功記

口吻生花

張祐苦吟妻孥喚之不應以責祐祐曰吾方口吻生花豈恤汝輩 白氏金鎖

贈詩勝爛黃魚

皇甫彙謁韓愈愈贈以詩彙退有言忽愈不為置酒愈曰豈不勝以爛黃魚待汝耶 續鍾嶸句眼

折筋不休

山濤酒後嘔噎折筋不休 酒中玄

防風粥

白居易在翰林賜防風粥一甌剔取防風得五合餘食之口香七日 金臺密記

食蝻蟀

鹿宜孫食蝻蟀炙於壽陽瓮中頓進數器 止戈集

羣公對雪

羣公對雪尚隆之曰麩堆金井誰調湯餅吳永素曰玉滿天山難刻珮環坐間服其韻精 姑臧記

屋瓦皆鏤

余宗伯屋瓦皆鏤竅穴千百雨則散如真珠用陳留
瓦則堅而易鏤三堂往事

三年不見羊角

皮蕃去北而復來都陽食竹筍日三年不見羊角哀
矣叩頭錄

採星盆

嵇昌蓄採星盆夏月漬果則倍冷敬聞錄

作剪刀

姑園戲作剪刀以首蓓根粉養之裁衣則盡成墨界

不用人手而自行搔首集

左撚巾拭面

陽華用左撚巾拭面倍有光彩自慶傳

碑石

李輔國葬父碑石用豆腐一千團磨瑩如紫玉晉公遺語
四面鐫葵花三百朵

漬紙

以竹稍甘露和天南星漬紙一宿裁之刀去如飛文房
節寶

除夜歎老

裴度除夜歎老。迨曉不寐。爐中商陸火。凡數添也。金門

歲節

印普賢象

玄裝以回銖紙印普賢象。施于四眾。每歲五馱。無餘

僧園逸錄

三辰酒

玄宗置麴清潭。砌以銀。甄泥以石粉。貯三辰酒一萬

車。以賜當制學士等。史諱錄

桑木根可作沉香想

裴休得桑木根。曰若作沉香。想之更無異相。雖對沉水香。反作桑根想。終不聞香氣。諸相從心起。常新錄

阜葢能與日輪爭功

韓愈刺潮州。嘗暑中。張阜葢歸而喜曰。此物能與日輪爭功。豈細事耶。傳芳畧記

雷門四老石

王維潮川林下坐。用雷門四老石燈滅。則石中鑽火

事畧

握麥芒刁字

牛僧孺進士時嘗麥芒刁字有謬誤隨手刪割點定

三賢點畧

麒麟草

元和時館閣湯飲待學士者煎麒麟草鳳翔退耕傳

魚藻洞

魚朝恩有洞四壁夾安瑠璃板中貯江水及萍藻諸

色蝦號魚藻洞

南康記

鼻出黃膠

智知章忽鼻出黃膠數盆醫者謂飲酒之過從容錄

數米而食

沈休文羸劣多病日數米而食不過一筋青陽記

廬墓日影為之不移

鄧寅廬墓墳土未乾日影為之不移壠土記

飼牛以天麻飯

青齊間遇春耕則飼牛以天麻飯仍用錦纓繫于角

土耕桑偶記

高麗絲結

張均妓多麗彈琵琶曲頂上有高麗絲結趙詩爭奪

致傷一指辨音集

元夜食牛肺犯天樞使

梁鄴上元後忽髮變如血卜曰元夜食牛肺犯天樞

巡使夜行禱謝可免影燈記

菖蒲成獅子鸞鳳狀

僧普寂大好菖蒲房中以菖蒲種成獅子鸞鳳仙人

之狀海墨微言

鴨肝猪肚

王籍飲酒非鴨肝猪肚筋輒不舉醉仙圖記

吞花臥酒

虞松方春以謂握月擔風且留後日吞花臥酒不可

過時曲江春宴錄

庭椿不染風

盧攜夢人贈句曰若問登庸日庭椿不染風初不解

其言後數年攜拜相庭下古椿一株雖狂風驟雨不

濕不搖鳳池編

屋窠如七星

鄭廣文屋室破漏自下望之竅如七星逢原記

日用斗麩為糊以供緘封

順宗時劉禹錫于預大權門吏接書尺數千禹錫

一一報謝綠珠盆中日用麩一斗為糊以供緘封武宜

盛事

麩如棗核而中空

楊璉游王銜家食一物如棗核中空其實麩也璉詢

其法銜笑而不言河中記

麩實鐵

樂工廉郊師於曹綱綱曰教授人多矣未有此性靈

弟子也郊常池上彈麩賓調忽聞菱荷間有物跳躍

出岸乃方響一片有知者識是麩賓鐵也指撥精妙

致律呂相應物類相感耳瑟琶錄

截鞞留鞭

姚崇牧荊州受代日闔境民泣撫馬首截鞞留鞭以

表瞻戀開元天寶遺事

蜂蝶慕香

都下名妓楚蓮者國香無及每出則蜂蝶相隨慕其

香 天寶遺事

自暖盃

內庫有青酒盃紋如亂絲其薄如紙以酒注之温温然有氣相次如沸湯各自暖盃 天寶遺事

遊仙枕

龜茲國進一枕色如瑪瑙枕之則十洲三島四海五湖盡入夢中帝名遊仙枕 天寶遺事

辟寒犀

交此國進犀一株以金盤置於殿中暖風襲人使者

曰此辟寒犀也 天寶遺事

喚鐵

太白山居士郭休有運氣絕粒之術以繩繫一鐵片子鳥獸聞之即集庭下名曰喚鐵 天寶遺事

花裯

學士許慎與親友宴花園中聚花鋪座曰吾自有花

裯何消坐具 天寶遺事

風流藪澤

長安平康坊妓女所居新進士以紅牋名紙遊其中

時謂此坊為風流藪澤天寶遺事

筆頭生花

李太白少夢筆頭生花後天才贍逸名聞天下

百寶欄

上賜國忠木芍藥國忠百寶為欄開元遺事

吸花露

貴妃每宿酒初消多苦肺熱凌晨傍花枝口吸花露

潤肺同上

含玉燕津

貴妃素有肉體苦熱肺渴每日含一玉魚藉其涼津沃肺同上

夜明枕

虢國夫人有夜明枕光照一室不假燈燭同上

二鶻擲卵

嘉陵江上見二鶻擲卵相上下以接之蓋習其飛也其胎教之意子又翅羽未成躍出巢穴往往墮崖而死其天性俊勇是亦躁進之類

山雞自愛

山雞自愛其色終日映水自眩則溺死。

天心月脇

皇甫湜稱愈文曰穿天心出月脇。

茗戰

建人謂鬪茶為茗戰。

金鹿銀麕

天子北征曹奴之人觴天子于泮水之上賜金鹿銀麕。今有地上得銀狔金狗之類皆賂夷狄奇貨。穆天子傳

溫柔鄉

成帝謂合德為溫柔鄉曰吾老是鄉矣不能效武帝求白雲鄉也樊嫫賀曰陛下真得仙者合德號為媿好。趙后外傳

六甲行廚

左慈明六甲能役鬼神坐致行廚。葛洪傳

老子僕徐甲

老子西度關關令尹喜知其非常人從之問道老子大驚舌聃然故號老聃老子耳有三漏手握十文其僕徐甲約日直百錢自隨二百年計欠七百二十萬。

錢甲詣關令索所奴令問老子對曰甲久應死吾以太玄清生符救之得至今日使甲張口向地符出丹書文字如新甲立成一聚枯骨令知老子神異叩頭請命復以符投骨上甲乃復生

龍牀

韓志和有道術憲宗時獻一龍牀坐則鱗鬣爪角皆動又於御前以蠅虎子數十分隊舞梁州曲皆中音節沈玘傳

九色鳳雛

東方朔游房林之野獲九色鳳雛洞冥記

懷夢草

鍾火山有香草武帝思李夫人東方朔獻帝懷之即夢見名懷夢草同上

青鶴

羽山之北有鳥曰青鶴聲如鐘磬世語曰青鶴鳴時太平拾遺記

寶井

范蠡收四方難得之貨或藏之井塹謂之寶井麗色

雪仙雜言
溢於閭房謂之游宮。同上

瓊池金穴

光武皇后弟郭況家工冶之聲不絕人謂之郭氏之室不雨而雷東京謂況家瓊池金穴。

流香渠

靈帝起裏游館千間渠水遶砌蓮大如蓋長一丈其葉衣舒畫卷名夜舒荷宮人靚粧解上衣著內服或共裸浴西域貢茵墀香煮湯餘汁入渠號流香渠。

書倉

曹會積石爲倉以藏書名曹氏書倉。

如願

有商人過清湖見清湖君君問所需商曰但乞如願。君許之果得一婢如願卽其名也商有所求悉能致之後因正旦如願晚起商人撻之走入糞壤中不見今人正旦以細繩繫綿人投糞掃中云乞如願。

金蓋玉膾

吳都獻松江鱸魚煬帝曰所謂金蓋玉膾東南佳味也。南部烟花記

閃電窗

帝觀書處窗戶玲瓏相望金鋪玉觀輝映溢目號為閃電窗同上

元白兩不相下

元微之白樂天兩不相下一日同詠李花微之先成曰葦綃開萬朶樂天乃服綃陳也葦白而綃輕高隱外書

仙人柏葉書

郭天民巧思橫生能摺書簡反覆如柏葉狀鄉人謂之仙人柏書安成記

家庖百品

張元厚家庖百品日日不變有蔡機缸二千盛貯皆滿梁福廬陵記

硯中出白影珠

侯道昌因雨置龜頭硯於簷下承溜以滌之俄而滌破硯中出白影珠十顆有患日者煮珠水洗之皆愈馮正雲金谿記

陳蕃待客

陳蕃待客拌飯以鹿脯芼羹以牛脯未嘗別為異饌

董慎續
豫章記

桂人好食蝦蟆

桂人好食蝦蟆仍重乾菌為糝赴食者至以餘俎包歸遺兒女雖汚衫不恥

張洞林桂林志

霜露能染紅紫

鵝管山霜可染紫白庶潭露能染紅為天下冠恨人無知者

常奉真湘潭記

蒲桃髻

小兒髮初生為小髻十數其父母為覓女相勝之辭

曰蒲桃髻十穗勝五穗

李明之衡山詩

方囊盛金錢

富人賈三折夜以方囊盛金錢於腰間微行市中買酒呼秦聲女置宴

方德遠金陵記

千眼仙人赴東林寺

廬山遠法師命盞之日山中峯澗寺落皆見千眼仙人成隊執幡幢香花赴東林寺法師死乃止

十二賢人共注廬山

山記

洛如花

雲、山雜記

四九

吳興山中有一樹類竹而有實似莢狀鄉人見之以
問陸澄澄曰名洛如花郡有文士則生

張寶就印錄

虱念阿房宮賦

揚州蘇隱夜臥聞被下有數人齊念阿房宮賦聲緊
而小急開被視之無他物惟得虱十餘其大如豆殺
之即止

清異志

甲乙膏

閩人二月好以豉雜黃牛肉為甲乙膏非尊親厚知
不得而預其家小兒三年一享

浣沙聚地志

魚脊出金釵

寶歷中西陽人見釣魚師有魚腦貫黃文愛而買歸
食至脊上出金釵一隻長六寸

唐餘錄

團沙捏成睡嵇康

房瑄少時曾至洲渚上團沙捏成睡嵇康甚有標態
見者多愛之

童子通神錄

樂音泉

強村有水方寸許人欲取之唱浪淘沙一曲即得一
盃味大甘冷村人因名曰樂音泉

玄山記

石斧欲砍斷詩手

杜甫子宗武以詩示院兵曹兵曹答以石斧一具隨使并詩還之宗武曰斧父斤也兵曹使我呈父加斤削也俄而院聞之曰悞矣欲子砍斷其手此手若存天下詩名又在杜家矣出文覽

清水郎君

司馬伯殊買得鴨卵一枚非常珍重夜猶未食夢曰此卵乃徐龍幼子清水郎君也不殺將富殊乃放之

三峯集

徐鳳儀仗

徐鳳儀有一杖直如筆管其後每年生一節二十年每年縮一節三月則杖之四面青赤白黑各開一花不知何木也陶家餅餘事

劍生神芝則天下晏清

成都朱善存家世寶一劍每生神芝則天下晏清如安史黃巢之亂劍皆吐黑烟屬天不差毫釐玉塵集

聚芳圖百花帶

宗測春遊山谷見奇花異草則繫手帶上歸而圖其

形狀各聚芳圖。百花帶人多效之。

高士春秋

李花如飛

伍貫卿居沅陵家有李花一株。月夜奴婢遙見花作數團如飛仙狀。上天去。花上露水倏然作雨數千點。花亡矣。

樞要錄

起藁窗上

江總為文次至吟詠得意。則起藁於窗上。不堪示則投置溷中。久而文遂工矣。

文筆襟喉

蜜浸烏梅解宿醒

陳永陽王宿醒未解。則為蜜浸烏梅。每啖不下二十

枚。清醒乃已。

樵人直說

榕粉

小兒瘡痂以榕粉日傅之。則易瘥而無痕。

出汗漫錄

灰山

無棣有灰山。山南有石竅。其中二麥無數。取之不極

三賢
典畧

嗜蛤蜊

吐突承瓘嗜蛤蜊。炙以鐵絲床。數澆鹿角漿。然後食。

傳芳
畧記

諱衣

穆宗以玄絹白書素紗墨書為衣服賜承幸宮人皆
淫鄙之詞詩號諱衣。至廣明中猶有存者。史諱錄

三樣錢買二色酒

西門季立造二色酒白酒中有墨花斟於器中花亦
不散其中有肝石故也崔道旅以金銀銅錢來沽曰
以我三樣錢買君二色酒欲辭得乎。常新錄

大筍中有眼睛

裴晉公於藍田得一大筍破之有三四眼睛而香美
過甚乃與爭序分食之。晉公遺語

雨點螺磨紙

治紙之昏而不染墨者用雨點螺磨紙左右三千下
其病去矣。文房寶飾

沈休文多病

沈休文多病六月猶綿帽温爐食薑椒飯不爾則委
頓。自慶集

盲郭璞

路巖幼病有人稱善醫禳之術巖用之不效歎曰此
盲郭璞也搔首集

淨眼僧

傅法寺淨眼僧能用藥煮烏豆施人治百疾皆驗又
以穢跡咒治疥破鐵城偈除鬼崇發無不捷僧園逸錄

竹節中神水

重五日午時有雨則急斫一竿竹竹節中必有神水
瀝取和獺肝為圓治心腹塊聚等病出金門歲節

釀換骨醪

憲宗采鳳李花釀換骨醪晉國公平淮西回黃帕金
餅恩賜二斗敘聞錄

畏薯藥

李輔國大畏薯藥或人因以示之必眼中火出毛髮
皆瀝血因致大病叩頭錄

分香蓮

三堂使宅有鉤仙池一種蓮子一歲再結實子十隻
其花時香兼桃梅苧菊郡人傳分香蓮不論錢往事

雪竹搔頭

趙綸妻死遺雪竹搔頭於堦下不數日化為楊梅花
朶如撒時人異之姑藏前後記

遇棋仙

卜子京遇棋仙束帶拜金鑄紫堂仙仍坐于席上勝
克之利萬不失一手秦棋訣

焚杜甫詩飲以膏蜜

張籍取杜甫詩一帙焚取灰燼副以膏蜜頻飲之日
令吾肝腸從此改易詩源指訣

七井生涼

霍仙鳴別墅在龍門一室之中開七井皆以雕鏤木
盤覆之夏月坐其上七井生涼不知暑氣雲林異景志

八角玉升

宣帝時西域恒隨國貢八角玉升夏以水澆之則無
暑冬以火迫之無寒異事甚眾逢夏記

失去周字知唐必興

則天初稱周方具告天開文有吏人見大周字上右
兩仙童長二三寸執刀剗削斯須視之失去周字人
知唐必復興鳳池編

曲江春遊

曲江春遊之家以脂粉作紅燄竿上成雙挑掛夾雜
畫帶前引車馬曲江春遊錄

毛詩卷染油代燭

倪芳飲後必有狂怪恬然不恥或以毛詩卷染油代
燭醉遊徹曉醉仙圖記

眉睫間常化佛

清涼僧海豐苦行二十餘年人見其眉睫間常化佛
千百大如黍米往來遊行已不覺也清涼僧海

好李花致富

終南及廬岳山好李花兩市貴候富民以千金買種
終廬有致富者耕桑偶記

一物如人眼睛

蕭餘上元夜於宣陽里酒盤下得一物如人眼睛其
體類美石光彩射人餘夜遊市肆閑置掌中每行黑
闇衢巷隨身光明三尺毫末可鑿後因而飛出影燈記

造笙

初造笙每管中入荻根細沙一二豆許遇吹時飛砂於

中激揚聲愈清澈近世樂工未有知者惜夫 辨音集

喬敷嗜魚

喬敷嗜魚而貧日向漁人貸食漁人送魚一斤則以

白堊標門記之後日償價年律一終白堊盈門 龍上書

浮陽筍

九華小民浚池得物狀類竹根旁有一銘曰浮陽筍

太古孕舉投醕缶三年不盡民不識字使人讀之試

以豆一斗造醕投物其中果三年不減 時逢道士陽記

爪甲間皆出雲烟

魏郡開成中大旱徧禱山岳或言西沈陸先生道行

精明請之必驗太守以下乃攜杏酒青羊以備牲醪

告于山中先生受禮訖對太守呼吸數過五指連拂

之爪甲間皆出雲烟之氣惟中指氣象甚盛先生曰

郡中雨得足諸縣皆獲八分亦可小檢已而其說不

誣 從容錄

石魚

南康有狂人周可大見魚必置數十頭食魚棄于几

上人謂隨卽臭腐可大以手摩之皆為石魚後年餘

友人訪之見其紙裏石魚煨以啖客新香不異常魚

逍遙公
南康記

王母惜黃中李過蟠桃

西王母居龍月城城中產黃中李花開則三影結實則九影花實上皆黃中二字王母惜之過于蟠桃與紫陽真官博戲則以一二百枚遞分勝負集真記

重黎盞酌水

宣武判官洪子昇延嵩山鍊師在宅值大雨堦庭彌滿欲上堂戶子鼻有憂色鍊師取懷中重黎盞酌水

不滿盃而庭砌隨已乾矣

宣武盛事

時元亨鍊真

方山道人時元亨鍊真厭世三十餘年精唾涕淚俱惜之七十髮不白走如奔馬宋先生曰吾以小術令此子三日即死乃于酒中以羊豕腦一抔啖之元亨不覺也飲罷便苦頭痛下痢明日便出如剝淨雞頭肉者二三升許又明日元亨果卒

河中記

孫逢年好酒色老不衰

長安孫逢年日一醉無虛席妓妾曳綺羅者二百餘

人晚年衰。僮齒皆虫。齧空虛如樓閣。而舊好不衰。長安

箋記

王維居輞川地不容塵

王維居輞川宅。宇既廣。山林亦遠。而性好溫潔。地不容浮塵。日有十數掃。飾者使兩童。專掌縛帚。而有時不給。洛陽要記

磁石益眼

益眼者無如磁石。以為盆枕。可老而不昏。寧王宮中多用之。豐寧傳

魚喜鹿胎香

揚州太守閻耶惠。會僚友于轉沙亭。集境內漁戶。令日所得魚多者。有金帛之賞。有一漁人以肉物作塊。散懸于網上。取魚倍衆。力凡十網。得魚三千六百。無甚小者。衆慚而退。太守詢之曰。魚喜鹿胎之香。迺散懸者。乃此物也。下網召之。萬魚畢聚矣。揚州事迹

降魔寺僧以名召魚

東川降魔寺僧吉祥。魁梧多力。受飯五鉢。日夜誦經。九函池中。魚知其數。以名召之。皆出水而使去。即沒。

蜀音錄

井代人喜嗜麵

井代人喜嗜麵切以吳刀淘以洛酒漆斗貯之擊鼓集老幼自以多寡取之至飽

河東備錄

鶴識字

衛濟川養六鶴日以粥飲啖之三年識字濟川檢書皆使鶴銜取之無差

金城記

洗心糖

茅地經冬燒去枝梗至春取土中餘根自如至者搗

汁煎之至甘可為洗心糖

幽燕異記

桃花絲

青齊間有一種桃李盛開時垂絲至二三尺採之練以松脂遞相纏結織成鞋履寄往都下人皆不辨何物

青州雜記

秘密泉

甘塘社有一水方丈瑩潔春夏不竭旱則禱之應時雨下然牛馬猪羊飲之肥澤雞鴨鵝雁飲之必死鄉民緣可救旱號秘密泉

鄴郡名錄

怯夜幡

胡陽白壇寺幡。日中有影。月中無影。不知何故。因號怯夜幡。金臺記

魚鰲隨世安危

大禹治水功成。令江淮河海神曰魚鰲。其盛隨世安危。自此之後。年必小減。使其價遞增。以食晚末之民。應天意也。禹功記

書冊以竹漆為糊

凡書冊以竹漆為糊。逐葉微攤之。不惟可以久存。字

畫兼紙不生毛。百年如新。此宮中法也。白氏金鑑

真脫絲布

人之為文。語意疎慢者。真脫絲布。文士之病莫大乎此。鍾嶸句眼

八酒中沐浴使毛髮識味

石裕方明造酒。數斛忽解衣入其中。恣沐浴而出。告子弟曰。吾平生飲酒。恨毛髮未識其味。今日聊以設之。庶無厚薄。酒中玄

龍口渠

翰林有龍口渠通內苑大雨之後必飄諸花蕊經由
而出有百種香色各不可盡春月尤妙金臺密記

口中現五色牙齒

孔戔好術藝延接方士多所傳授能口中現五色牙
齒彩色光絢一瞬即改止戈集

李有九標

蕭瑀陳叔達於龍昌寺看李花相與香雅細淡潔密
宜月夜宜綠髮宜白酒承平舊集

斗盆燒乳頭香

曲務光見趙州以斗盆燒乳頭香十斤日財易得佛
難求舊相禪學錄

鼠精李

王侍中家堂前有鼠從地出其穴即生李樹花實似
好此鼠精李也好事集

猪肝中有識書

白蒲民割猪肝肝中有一紙大如手色如新書云煙
蒼蒼明年無糧次年巢寇起州郡多荒集異記

酒魔

常元載不飲羣僚百種強之辭以鼻聞酒氣已醉其中一人謂可用術治之即取針挑元載鼻尖出一青虫如小蛇曰此酒魔也聞酒即畏之去此何患元載是日已飲一斗五日倍是 玄山記

糠市

洛陽振德坊皆貧民例享糟糠之薄賀知章自為糠市 從容錄

品物互徵古事

房璘至人家凡問四筵摘其品物互徵古事一切

當河中心記

一杯羹三萬錢

李德裕奢侈每食一杯羹其費約錢三萬雜珠玉寶貝雄黃朱砂煎汁為之過三煎即棄其滓 博異志

縑繫南山樹

明皇問富人王元寶家財多少對曰請以一縑繫陞下南山樹南山樹盡臣縑未窮 同上

心織筆耕

翰林盛事云王勃所至請託為文金帛豐積人謂心

織筆耕 北里志

燕奴

有術士於腕間出彈子二九皆五色叱令變化即化雙燕飛騰名燕奴又令變即化二小劍交擊須臾復為丸入腕中 洞微志

三斗爛腸

殷洪遠云周且腹中有三斗爛腸 金樓子

金菜玉蔬

始皇遣徐福八海求金菜玉蔬并一寸椹

無腸公子

蟹曰無腸公子龜曰先知君

駭雞犀

通天犀中有白文如絲者置米其上以飼雞雞見驚走名駭雞犀刻為魚形持入水水輒開 出抱樸子

天鼓

雷曰天鼓雷神曰雷公 同上

虎狼稱呼五君

山中寅日稱虞吏者虎也稱當路君者狼也稱東王

父者麋也西王母者鹿也成陽公者狐也社君者鼠也同上

鵲巢獺穴

鵲巢知風之所起獺穴知水之高下暉日知冥陰諧知雨暉日鳩鳥也陰諸雌也出淮南子

靈運鬚

謝靈運美鬚臨刑施南海祇洹寺為維摩詰鬚寺中寶惜中宗時安樂公主五日鬪百草遣人取之仍剪棄其餘國史纂異

沒了期

錢鏐封吳越王工役大與士卒嗟怨或夜書府門曰沒了期沒了期修城纔了又開池鏐出見之命吏書曰沒了期沒了期春衣纔了又冬衣嗟怨頓息五代史補

拔釘錢

趙在禮在宋州所為不法百姓苦之一日制下移鎮永興百姓相賀曰眼中拔却釘矣可不快哉在禮聞之上表乞還鎮朝廷許之在禮每日率錢一千號拔釘錢遂獲百萬

釜中龍

南唐時有蒼頭持龍水圖來貨或得之將練為衣忽釜中雲蒸見二龍騰躍穿壁而去

黃紙寫勅

正觀中太宗詔用麻紙寫勅詔高宗以白紙多出蚌尚書省頒下州縣並用黃紙

食王炊桂

蘇秦至楚三日乃得見王辭行王曰曾不少留對曰楚國食貴于玉薪貴于杜謁者難得見方鬼王難得

見如天帝臣食王炊桂因鬼見帝王曰聞命矣

戰國策

鵲蚌

趙且伐燕蘇代為燕謂惠王曰臣過易水蚌方出曝而鵲啄其肉蚌合而箝其喙鵲曰今日不雨明日不雨即有死蚌蚌曰今日不出明日不出必有死鵲兩不相舍漁者得而并之

同上

釐婦

魯人有獨處室者隣之釐婦亦獨處夜暴風雨釐婦室壞趨而託焉魯人閉戶曰男女不六十不同居今

子幼吾亦幼是以不敢納婦曰何不學柳下惠然嫗不遠門之女魯人曰下惠則可吾固不可吾將以吾之不可學下惠之可童婦寡婦也孔子家語

螳螂搏輪

齊莊公出獵有螳螂舉足將搏其輪御曰此蟲知進而不知退不量力而輕就敵莊公曰以為人必為天下勇士矣於是迴車而避之而勇士歸之同上

銅鶴樽

韓王元嘉有一銅鶴樽背上注酒則一足倚滿則正

不滿則傾側

朝野僉載

鵠尾杓

陳思王有鵠尾杓柄長而直置之酒樽凡王欲勸飲者呼之則尾指其人同上

麒麟楮

唐楊炯每呼朝士為麒麟楮或問之曰今假弄麒麟者必修飾其形覆之驢上宛然異物及去其皮還是驢耳無德而朱紫何以異是同上

喙長三尺手重五斤

陸餘慶為洛州長史善論事而謬於決判時嘲之曰
說事即隊長三尺判事則手重五斤同上

鶴鳴雞樹

鳳閣侍郎杜景儉文章知識並高遠時號鶴鳴雞樹

同上

鳩集鳳池

王及善才庸猥為內史號鳩集鳳池同上

金剛舞夜叉歌

隋諸葛昂高瓚爭為豪侈昂屈瓚串長八尺併濶丈

餘飲龐如柱酒行自作金剛舞以送之瓚復屈昂以
車行酒馬行肉確斬鱸碾蓋蒜自唱夜叉歌以送之

同上

金祀玉階

明光殿金玉珠璣為簾箔金祀玉階晝夜光明在桂

宮中三輔皇圖

傳座

長安風俗元日以後遞飲食相邀號傳座南部新書

寶苗

山中有葱下必有銀有薤下必有金有薑下必有銅
錫山中有玉者木旁枝下垂謂之寶苗

築糠三尺

新羅人泛海漂墮鬼國鬼執之曰汝能與我築糠三
尺乎汝欲鼻長一丈乎其人請築久不成乃為鬼拔
其鼻如象酉陽雜俎

翻綽入水

玄宗常令左右提翻綽入池水中復出曰向見屈原
笑臣爾遭逢聖明何亦至此同上

龍巢翻

夷陵江或浮大水蔽塞水面土人謂之龍巢翻北夢

見李思戒

明宗不豫馮道入問因指果實曰如食桃不康他日
見李思戒同上

一步一計

李克用入魏博覘之城上有旗幟來往晉王曰劉鄩
一步一計更令審探果縛芻為人縛旗於上以驢負
之循城而行鄩軍遁已二日矣同上

雲仙雜記
雲仙雜記

通神錢

張延賞判度支有獄頗冤濫公召吏嚴戒旬日須了
明日案上有小帖子曰錢三萬貫乞不問此獄公怒
更促之明日帖子云五萬貫公亦怒明日復見帖子
曰錢十萬貫遂止不問所親問之公曰錢至十萬通
神矣無不可為之事吾懼及禍不得止也幽開鼓吹

九花虬

代宗時范陽貢馬額高九寸真虬龍也身被五花紋
號九花虬後以賜郭子儀杜陽雜編

上清珠

開元初罽賓國王貢上清珠光照一室有仙人玉女
雲鶴搖動其中有水旱兵革之灾虔視無不應驗同上

一副急淚

宋世祖謂劉德願曰卿哭貴妃悲者當厚賞願應聲
痛哭撫膺擗踊涕泗交流上甚悅故用豫州刺史以
賞之上又令醫術人羊志哭貴妃志亦嗚咽極悲他
日有問志者曰卿那得此副急淚志曰我爾日自哭
亡妾耳通鑑

五花館

荆南舊有五花館待賓之上地也故眩上成納詩曰
不是上台憐姓字五花賓館敢從容

南部新書

烏龍

會稽人張然滯役經年不歸婦與奴私通然養一狗
名曰烏龍後然歸奴懼事覺欲謀殺然狗注睛視奴
奴方與手烏龍盪奴奴失刀杖然取刀殺奴

續搜神記

鬚髯如戟

山陰公主淫恣悅褚彥回以白帝帝召彥回西上閣

宿十日公主夜就之備見逼迫彥回整身而立從夕
至曉畧不移志公主謂曰君鬚髯如戟何無丈夫意
彥回曰雖不敏何敢首為亂

通鑑

田舍翁十斛麥

李勣入見上問之曰朕欲立武昭儀為后褚遂良固
執以為不可遂良既顧命大臣事當且已乎對曰此
陛下家事何必更問外人上意遂決許敬宗宣言於
朝曰田舍翁多收十斛麥尚欲易婦況天子立后何
豫諸人事而妄生議乎

同上

赤鳳凰

后所通宮奴燕赤鳳者雄捷能超樓閣兼通昭儀十月五日宮中故事上靈女朝吹塤擊鼓連臂踏歌赤鳳凰來曲后曰赤鳳凰爲誰來昭儀曰赤鳳凰爲娣來寧爲他人乎后怒以杯擲昭儀裙曰鼠子能噬人乎昭儀曰穿其裙見其私足矣安在噬人乎帝微聞其事以問昭儀昭儀曰以漢家火德故以帝爲赤鳳帝信之大悅

趙后外傳

雲仙雜記終

